

## Saopštenje za javnost

### Zajedničkog koordinacionog tijela udruženja sudija i tužilaca u Bosni i Hercegovini povodom medijskih reakcija i natpisa na socijalnim mrežama o prvostepenoj presudi Suda BiH u predmetu „Zijad Mutap i drugi“

Zajedničko koordinaciono tijelo udruženja sudija i tužilaca Bosne i Hercegovine povodom medijskih reakcija i natpisa na socijalnim mrežama o prvostepenoj presudi Suda BiH u predmetu „Zijad Mutap i drugi“ skreće pažnju članovima udruženja i javnosti na pretjerani stepen neprimjerenosti reakcije i dodatno produbljivanje nepovjerenja prema pravosuđu. Tim povodom podsjećamo na našu delikatnu i složenu obavezu da sudimo nezavisno i nepristrano na bazi predloženih dokaza i nedvosmisleno utvrđenih činjenica, a da se pritom ne priklanjamo očekivanjima javnosti i eventualnim predrasudama i željenim ishodima. Na ovaj poziv možemo odgovoriti samo donošenjem zakonite i pravilne presude. Ona će biti pravedna ako je provedena predviđena procedura i ako je donešena na osnovu nedvosmisleno utvrđenih dokaza. Odstupanje od ovog aksioma uvodi pravosuđe u zonu proizvoljnog dijeljenja pravde koja stoji izvan zakonskih odredbi. ZKT ima obavezu da se usprotivi takvim trendovima i ovom prilikom poziva na odgovorno korištenje javnog prostora i neostrašćenu i stručnu analizu i interpretaciju sudskih odluka.

Uvjerljivost i prihvatljivost bilo koje sudske odluke se može i smije provjeravati samo na osnovu detaljnog obrazloženja iste kroz predviđeni institucionalizirani postupak, te adekvatnu i konstruktivnu kritiku stručne i opće javnosti. Takvu mogućnost osigurava dvostепенost postupka i upravo ima za cilj kontrolu donošenja odluka. Donošenje konačnih zaključaka i podizanje tenzija na bazi izricanja prvostepene presude ZKT smatra krajnje neodmjerenom reakcijom koja ne vodi računa o posljedicama po dignitet suda i bosanskohercegovačkog pravosuđa.

ZKT zbog toga osuđuje ishitrene neargumentovane reakcije i uvredljive stavove o presudi ovog vijeća i pravosuđa u cjelini.

Koristimo ovu priliku da još jednom podsjetimo sve nosioce pravosudne funkcije na složenost stanja u bh pravosuđu i izrazito visokog stepena nepovjerenja javnosti u naš rad, te da nas društvena uloga koja nam je povjerena obavezuje da svakom našom odlukom (tužilačkom i sudskom) gradimo pravednije, otpornije i naprednije društvo koje će imati volju, mogućnost i kapacitet da se uspješnije nosi sa znakovima ovog vremena.

S poštovanjem,

Zajedničko koordinaciono tijelo udruženja sudija i tužilaca u Bosni i Hercegovini

U Sarajevu, 28. 11. 2022. godine